



## Tusagassiorfinnut nalunaarut Pressemeddelelse

### **Ikiorssiisutit COVID-19-ip kingunerisaanik pissusiulersunut tunngatillugu**

21-03-2020  
Sagsnr. 2020 - 5583

COVID-19 -ip kingunerisaanik pissusiulersut kalaallit suliffeqarfiutaannut ajornartorsiornartumik inissiipput. Suliffeqarfiit amerlasuut aningaasarsiornikkut kaaviiartitaminni malunnaatilissuarnik appariaateqartitserput, ilaallumi allaat maanna COVID-19-ip piffissami atuuffigisaani matuinnarallartariaqalerlutik.

Postboks 1601  
3900 Nuuk  
Tlf. (+299) 34 50 00  
E-mail: [isiin@nanoq.gl](mailto:isiin@nanoq.gl)  
[www.naalakkersuisut.gl](http://www.naalakkersuisut.gl)

Tamatumalu ilutigisaanik sulisut amerlasuut aamma ernummatigaat suliffigisatik aammalu pilersuinerminnut tunngavigisatik, soraarsitaassagaluarunik suliffeqarfiup suliffigisami matunera pissutigalugu.

Pisariaqartitsisoqarpoq immikkut ittumik aningaasaqarnikkut ikiorssiisoqarmissaanik pissutsit atuuttuulersut sakkortuallaaqqunagit.

Taamaattumik Naalakkersuisut ikiorssiisutissatut aaqqissuussinerit marluk pilersippaat, inuussutissarsiortunik namminersortunik ikiorssiisutaasussat aammalu sulinermik inuussutissarsiuteqartut aningaasaqarnerannut ikiorssiisutaasussat maannangaaq qaammatini tulliuuttuni pingasuugallartuni.

### **Aaqqissuussineq inuussutissarsiornermik ingerlatsivinnik ikiorssiisussa**

Pilersinneqarpoq “immikkut ittumik ikiorssiisutissat” suliffeqarfinnut namminersortunut akunnittarfeqarnermi, neriniartarfeqarnermi kiisalu kiffartuussinernik inuussutissarsiutit assigisaasalu ilaannut sammititaasut. Suliffeqarfiit tamakkua maanna misigisimalereerpaat aningaasarsiornermikkut unammillernartumik inissisimaneq, aaqqissuussinerit il.il. ingerlanneqartartussaagaluit amerlasuut taamaatiinnarneqararnerisigut. Tamanna aamma atuuppoq suliffeqarfinnut maanna matugallaqquneqartunut.

Aamma pilersinneqarpoq “ataatsimoortumik inuussutissarsiortunut aaqqissuussineq”, sukkasuumik naammassisaqarfiusumillu inuussutissarsiutini allani aningaasarsiornikkut ajornartorsiuteqalersuni ikiorssiisutaasartussanik imaqartoq, tamatumani aamma aalisarnermi, sanaartornermi, assartuinermi allanilu.

Ikiorssiarnernik aaqqissuussinerit taakkua arlariit periarfissiipput suliffeqarfinnut kaaviiartitaminni minnerpaamik 30 pct.-inik annaasaqartunut taartsisiaqarnissamik aaqqissuussinerit qinnuteqarsinnaanermik, toqqaannartunik pisussaaniik taamaatitsinerit imaluunniit suliffeqarfiup aalajangersimasumik aningaasartuutaanut matussutissaniik.

Tamatumalu saniatigut suliffeqarfiit neqeroorfigineqarsinnaapput akisussaassuseqartumik aningaasaniik attartorsinnaanermik aaqqissuussinerit, inuussutissarsiortunut ikiorssiissutiniik aaqqissuussinerup iluani.

Matussutissatut taartsisiassaniik aamma /imaluunniit attartukkanik annerpaamik 1 mio. kr.-inik suliffeqarfimmut qaammammut akiliuteqartoqarsinnaavoq inuussutissarsiortunut aaqqissuussinerit pineqartut iluanni.

Maannamut immikkoortitsisoqarallarpoq 50 mio. kr.-inik immikkut ittunik aaqqissuussinerit, aammalu inuussutissarsiortumut ataatsimut isigisumik aaqqissuussinerit 100 mio. kr.-inik annertussusilinnik.

### **Sulinermit inuutissarsiortunut namminersortut suliffeqarfiini sulisuusunut sammisumik aaqqissuussineq**

Immikkoortitsisoqarpoq aningaasaliissutissaniik 107 mio. kr.-inik Kalaallit Nunaanni sulinermit inuutissarsiuteqartut akissarsiaannut taartsisiassaniik, suliffeqarfiit namminersortut soraarsitsinatik sulisuminnik angerlartitsigallartarnerannut COVID-19-ip kingunerisaaniik.

Suliniut alla Naalakkersuisut aallartissimasaat inuussutissarsiortut tapersorsinnaajumallugit COVID-19-ip atuuffigisaaniik piffissamik qaangiilluarnissamut tassaavoq akileraarutinit aamma akitsuutinit il.il. akiliiffissap sivitsorneqarnera.

Suliniutit kingunerivaat Naalakkersuisut piginnaatinneqarneri akileraarutiniik aamma akitsuutiniik il.il. akiliiffissap piffissaliussap sivitsorneqarnera, taamalu suliffeqarfiit periarfissaqarnissaat aningaasaniik tigorianaannik peqarnissamik.

Inuussutissarsiortumut, Nukissiuuteqarnermut, Ilisimatusarnermut Suliffeqarnermullu Naalakkersuisoq Jess Svane tamatumunnga atatillugu ima oqaaseqarpoq:

*”Assut nuannaarutigaarput maanna Naalakkersuisut saqqummiussinnaamatigit ikiorssiarnernik aaqqissuussinerit ataatsimoortut, suliarineqartut suliffeqarnermi illuatungeriit ilaat qanimut suleqatigalugit. Uanga tulluusimaarutigaaara aaqqissuussinerit taakkua aqutigalugit qularnaarsinnaagatsigit qaammatit aggersut pingasut sillimaniarnikkut*

*suliffeqarfinnut aamma sulisunut aaqqissuussinernik peqarluta, piffissami matumani annertuunik annaasaqalersunut COVID-19-ip kingunerisaanik.*”

Pisortaq Brian Buus Pedersen, Sulisitsisut, SIK-mi siulittaasoq Jess G. Berthelsen, aamma Nusuka-mi siulittaasoq Gerth Lyngé, KNAPK-mi siulittaasoq Henrik Sandgreen ima oqaaseqarput:

*”Iluarisimaarparput paasinarsimmat ulluni kingullerni amerlasuuni ilungersorluta sulinerput ikiorsiissutissanik assigiinngitsunik aaqqissuussiumalluta maanna inerititaqarfiusoq ajunngitsunik angusaqarfiusumik. Maannalu atortuulersissinnaalerpagut suliniutissat arlaqartut nunatsinni inuussutissarsiornermut aammalu suliffeqartunut sammisuusut, COVID-19-ip kingunerisai ajornerit aningaasaqarnikkut iliuuseqarfigisinnaajumallutigit.”*

Qinnuteqartoqarsinnaavoq inuussutissarsiuutinut aaqqissuussinerni aammalu sulinermik inuutissarsiornermut ikiorsiissutissani (akissarsianut taartsisiassat suliffeqarfinnut namminersortunut) ataasinngornermiit ulloq 23. marts 2020 nal. 12.00. Iersinnaaneq pissaaq inuussutissarsiornermut quppersakkakkut uani [www.businessingreenland.gl](http://www.businessingreenland.gl) ([www.big.gl](http://www.big.gl)), tassaniippullu aaqqissuussinernut assigiinngitsunut aqutissat – link-it.

Aamma [www.big.gl](http://www.big.gl) -imi nassaassaapput ikiorsiissutissat assigiinngitsut imarisaat qinnuteqarnissamilu atugassarititaasut.

*Annerusunik paasisaqarumasunut innersuussisoqassaaq ukununnga:*

- *Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoq Jess Svane, oqarasuaat 345000*
- *SIK-mi siulittaasoq Jess G. Berthelsen, oqarasuaat 322133*
- *Sulisitsisut Pisortaat Brian Buus Pedersen, oqarasuaat +4542680011*
- *KNAPK-mi siulittaasoq Henrik Sandgreen, oqarasuaat 322422*
- *Nusuka-mi siulittaasoq Gerth Lyngé, oqarasuaat 485357*